



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-028-4/23**
Datum: **06.04.2023. godine**

«Agencija za vodno područje rijeke Save» Sarajevo rješavajući po zahtjevu Investitora EROGLU MUSTAFA-HALID iz Sarajeva za izdavanje prethodne vodne saglasnosti za aktivnost ispuštanja otpadnih voda sa lokacije stambeno-poslovnog objekta čija je poslovna namjena skladište, Grad Živinice na osnovu člana 109. stav (2). tačka 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E

1. Odbija se zahtjev Investitora EROGLU MUSTAFA-HALID iz Sarajeva za izdavanje prethodne vodne saglasnosti za aktivnost ispuštanja otpadnih voda sa lokacije stambeno-poslovnog objekta čija je poslovna namjena skladište, koji se planira graditi na zemljištu označenom kao k.č. broj: 24/2 i 25/2 K.O. Spreča, Grad Živinice, s obzirom da za predmetnu aktivnost nije propisana obaveza pribavljanja vodnih akata od strane ove Agencije.
2. Ukoliko tokom korištenja objekta dođe do promjene namjene istog, a pri čemu će dolaziti do produkcije i ispuštanja otpadnih voda u površinske vode ili okoliš, Investitor je dužan da pribavi vodne akte od nadležnog organa.

O b r a z l o ž e n j e

Opunomoćenik advokat Sedina Pilavdžić se dana 27.01.2023. godine obratila u ime Investitora EROGLU MUSTAFA-HALID ovoj Agenciji sa zahtjevom bez broja za izdavanje rješenja o prethodnoj vodnoj saglasnosti za aktivnost ispuštanja otpadnih voda sa lokacije stambeno-poslovnog objekta čija je poslovna namjena skladište, koji se planira graditi na zemljištu označenom kao k.č. broj: 24/2 i 25/2 K.O. Spreča, Grad Živinice.

U provedenom postupku dostavljena je i pregledana sljedeća dokumentacija:

- Ovjerena kopija lične karte;
- Ovjerena kopija zemljišnoknjižnog izvotka broj: 033-0-NAR-22-004879 ZK uložak broj: 470 izdatog dana 16.12.2022. godine od strane Zemljišnoknjižnog ureda, Općinski sud u Živinicama;
- Izvod iz prostornog plana općine Živinice broj: 04/4-19-6109/2022 od 25.10.2022. godine izdato od Službe za urbanističko planiranje, komunalne, geodetske i imovinsko-pravne poslove, Grad Živinice;
- Posjedovni list broj 8069, broj: 04/13-26-592/22-2 od 02.02.2022. godine izdat od Službe za urbanističko planiranje, komunalne, geodetske i imovinsko-pravne poslove-Odsjek za urbanističko planiranje, Grad Živinice;
- Ovjerena kopija katastarskog plana, razmjera 1:1000, UR broj: 04/13-26-6384/2022-3 od 16.12.2022. godine izdato od Službe za urbanističko planiranje, komunalne, geodetske i imovinsko-pravne poslove-Odsjek za geodetske i imovinsko-pravne poslove, Grad Živinice;
- Kopija posjedovnog lista br: 1600, broj: 04/13-26-6254/22-3 od 08.12.2022. godine izdato od Službe za urbanističko planiranje, komunalne, geodetske i imovinsko-pravne poslove-Odsjek za geodetske i imovinsko-pravne poslove, Grad Živinice;
- Ovjerena kopija Uvjerenja broj: 04/11-19-4997/2022 V 04/11-19-6375/2022 od 20.12.2022. godine izdato od Službe za urbanističko planiranje, komunalne, geodetske i imovinsko-pravne poslove-Odsjek za geodetske i imovinsko-pravne poslove, Grad Živinice;

- Ovjerena kopija Saglasnosti za priključak na vodovodnu mrežu broj:07-1167-2/22 od 07.12.2022. godine izdata od JP „Vodovod i kanalizacija“ d.o.o., Živinice;
- Ovjerena kopija Uvjerenja da nema registrovanih izvorišta pitke vode niti utvrđenih zona sanitarne zaštite broj: 04/2-19-6114/2022 od 19.10.2022. godina izdato od Službe za urbanističko planiranje, komunalne, geodetske i imovinsko-pravne poslove, Grad Živinice;
- Punomoć;
- Vodna Studija u postupku pribavljanja prethodne vodne saglasnosti za potrebe poslovnog objekta, broj: I-24-01/23, Januar 2023. godina, urađena od „ATRIUS projekt“ d.o.o., Živinice;
- Dokaz o uplaćenju administrativnoj upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Na osnovu dostavljene dokumentacije, mišljenja tehničke struke i dostavljene tehničke dokumentacije utvrđeno je slijedeće:

- Stambeno-poslovni objekat se planira graditi na zemljištu označenom kao k.č. broj: 24/2 i 25/2 K.O. Spreča, Grad Živinice,
- Osnovna namjena stambeno-poslovnog objekta je skladište sa administrativno-uslužnom namjenom.
- U objektu se ne obavljaju nikakve posebne aktivnosti niti proizvodni procesi, ne nastaju tehnološke otpadne vode.
- Na predmetnoj parceli nema izgrađene kanalizacione mreže, planirana je izgradnja septičke jame.
- Za predmetni objekat postoji mogućnost priključenja na vodovodnu mrežu što se dokazuje sa Saglasnosti za priključak na vodovodnu mrežu broj:07-1167-2/22 od 07.12.2022. godine izdata od JP „Vodovod i kanalizacija“ d.o.o., Živinice;
- Na predmetnom lokalitetu nema registrovanih izvorišta pitke vode niti utvrđenih zona sanitarne zaštite izdato Uvjerenje broj: 04/2-19-6114/2022 od 19.10.2022. godina izdato od Službe za urbanističko planiranje, komunalne, geodetske i imovinsko-pravne poslove, Grad Živinice;
- U planiranom objektu neće nastajati tehnološke otpadne vode iz procesa rada a kako je to utvrđeno odredbama člana 3. stav 1. tačka (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20,96/20).
- Također je utvrđeno da na pripadajućim prometnim površinama ne nastaju oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uvjetima ispuštanja otpadnih voda u okoliš i sisteme javne kanalizacije („Službene novine FBiH“, br.26/20, 96/20).

Kako u predmetnom objektu ne nastaju tehnološke otpadne vode kao rezultat tehnološkog postupka, kao ni oborinske onečišćene vode kako je to utvrđeno odredbama člana 3. stav 1. tačka (s) a u vezi sa tačkom (cc) Uredbe o uslovima ispuštanja otpadnih voda u okoliš i sisteme javne kanalizacije („Službene novine FBiH“, br. 26/20, 96/20), odnosno nema ispuštanja tehnoloških otpadnih voda u smislu odredbi člana 139. stav 1. tačka (3). Zakona o vodama («Službene novine Federacije BiH», broj 70/06), u skladu s članom 200. Zakona o upravnom postupku («Službene novine Federacije BiH», broj 2/98, 48/99 i 61/22) riješeno je kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Remić Dž., dipl.iur.

Po ovlaštenju
Rukovodilac sektora za zadržavanje vodnih akata



Haris Ališehović, dipl.inž.građ.

Dostaviti:

- Advokat SEDINA PILAVDŽIĆ (za EROGLU MUSTAFA-HALID)
Ul.Maršala Tita br. 1., Živinice
- Ⓢ AVP Sava, ISV-vodna knjiga
- Sektor 40 – arhiva
- Oglasna ploča – AVP Sava